

BOSNA I HERCEGOVINA
FEDERACIJA BOSNE I HERCEGOVINE
AGENCIJA ZA NADZOR OSIGURANJA
FEDERACIJE BOSNE I HERCEGOVINE
SARAJEVO

Na osnovu člana 15. Zakona o osiguranju od odgovornosti za motorna vozila i ostale odredbe o obaveznom osiguranju od odgovornosti („Službene novine Federacije Bosne i Hercegovine”, broj 24/05), člana 130. Zakona o osiguranju („Službene novine Federacije Bosne i Hercegovine”, broj 23/17) i člana 12. Statuta Agencije za nadzor osiguranja Federacije Bosne i Hercegovine („Službene novine Federacije BiH”, broj 84/17), Stručni savjet Agencije za nadzor osiguranja Federacije Bosne i Hercegovine na 9. sjednici održanoj 05. 12. 2017. godine, donosi

O D L U K U
o izvještajima Zaštitnog fonda Federacije Bosne i Hercegovine

I OPĆE ODREDBE

Član 1.
(Predmet)

Ovom Odlukom propisuju se vrsta, sadržaj i forma izvještaja Zaštitnog fonda Federacije Bosne i Hercegovine (u daljem tekstu: Zaštitni fond), koji se dostavljaju Agenciji za nadzor osiguranja Federacije Bosne i Hercegovine (u daljem tekstu: Agencija za nadzor) te rokovi i način izvještavanja.

Član 2.
(Obaveza dostave)

Zaštitni fond je dužan dostavljati Agenciji za nadzor statističke i finansijske izvještaje.

II STATISTIČKI IZVJEŠTAJI

Član 3.
(Obrasci)

- (1) Sadržaj statističkih izvještaja propisan je na obrascima:
 - a) Obrazac 1 ZFNEO-K-F – Pregled šteta po osnovu neosiguranih vozila,
 - b) Obrazac 2 ZFNKP-K-F - Pregled šteta po osnovu nepoznatih vozila,
 - c) Obrazac 3 ZFLIK-K-F – Pregled šteta društava u likvidaciji,
 - d) Obrazac 4 ZFREG-K-F – Pregled regresnih zahtjeva,
 - e) Obrazac 5 ZFK-K-F – Broj prijavljenih šteta po osnovu neosiguranih vozila po kantonima.
- (2) U obrascima statističkih izvještaja iznosi se iskazuju u konvertibilnim markama sa dva decimalna mjesta.
- (3) Statistički izvještaji moraju biti potpisana od direktora Zaštitnog fonda.

Član 4.

(Način dostave)

- (1) Pisani obrasci iz člana 3. sastavni su dio ove Odluke, a obrasci za dostavu u elektronskoj formi su u formatu.xls i preuzimaju se sa web stranice Agencije za nadzor: www.nados.ba.
- (2) Agencija za nadzor će način dostave obrazaca u elektronskom obliku iz stava (1) ovog člana propisati posebnim aktom.

Član 5.

(Rokovi dostave)

Pisani obrasci i obrasci u elektronskoj formi iz člana 3. ove Odluke dostavljaju se tromjesečno i to:

- a) za prvo tromjesečje do 30. 04. tekuće poslovne godine,
- b) za drugo tromjesečje do 31. 07. tekuće poslovne godine,
- c) za treće tromjesečje do 31. 10. tekuće poslovne godine i
- d) za četvrto tromjesečje u roku od tri mjeseca po isteku tekuće poslovne godine, odnosno do 31. 03. naredne godine.

Član 6.

(Način iskazivanja)

Zaštitni fond je dužan podatke iz statističkih izvještaja iz člana 3. ove Odluke iskazivati kumulativno za tekuću godinu.

III FINANSIJSKI IZVJEŠTAJI

Član 7.

(Finansijski obrasci)

- (1) Finansijski izvještaji iz člana 2. ove Odluke su izvještaji propisani Zakonom o računovodstvu i reviziji u Federaciji Bosne i Hercegovine („Službene novine Federacije Bosne i Hercegovine“, broj 83/09) i to:
 - a) Bilansa stanja,
 - b) Bilansa uspjeha,
 - c) Izvještaj o gotovinskim tokovima,
 - d) Izvještaj o promjenama na kapitalu i
 - e) Bilješke uz finansijske izvještaje.
- (2) Obrasci iz stava 1. ovog člana za dostavu u elektronskoj formi su u formatu.xls i preuzimaju se sa web stranice Agencije za nadzor: www.nados.ba.
- (3) Pisani obrasci i obrasci u elektronskoj formi iz člana 7. ove Odluke dostavljaju se godišnje do 31. 03. tekuće poslovne godine za prethodnu godinu.
- (4) Agencija za nadzor će način dostave obrazaca u elektronskom obliku iz stava (2) ovog člana propisati posebnim aktom.

IV ZAVRŠNE ODREDBE

Član 8.

(Stavljanje van snage)

Stupanjem na snagu ove Odluke prestaje da važi Odluka o izvještajima Zaštitnog fonda Federacije Bosne i Hercegovine („Službene novine Federacije BiH“, br. 25/14 i isp. 31/14).

Član 9.
(Stupanje na snagu)

Ova Odluka stupa na snagu osmog dana od dana objavljivanja u „Službenim novinama Federacije Bosne i Hercegovine“.

PREDSJEDNIK
STRUČNOG SAVJETA

mr.sci. Edita Kalajdžić

Broj: 021-3284-1/17
Sarajevo, 05. 12. 2017. godine